

KERATAN AKHBAR

TARIKH : 23 JUN 2022
AKHBAR : HARIAN METRO
MUKA SURAT : 18

Graduan TVET Idaman Industri

KEMENTERIAN PEMBANGUNAN LUAR BANDAR

Oleh Noorazura Abdul Rahman am@hmetro.com.my

Alor Setar

Kementerian Pembangunan Luar Bandar (KPLB) komited memperkasaan Pendidikan Teknikal dan Latihan Vokasional (TVET) bagi memastikan golongan belia memiliki kemahiran seiring dengan kehendak industri mengikut peredaran zaman. Menterinya, Datuk Seri Mahdzir Khalid berkata, pihaknya kini giat mempromosikan bidang berkenaan termasuk menganjurkan Ekspo Institusi Pendidikan TVET@KPLB 2022 yang diadakan selama tiga hari bermula hari ini hingga Sabtu ini di Dataran Amanjaya Mall, Sungai Petani.

Katanya, TVET@KPLB adalah gabungan 280 institusi pendidikan TVET sentiasa berusaha menambah balaik kesemua program dan kursus yang ditawarkan agar mempunyai kekuatan dan berpadanan dengan keperluan industri.

"Oleh itu, KPLB telah menerangkan kepada semua institusi pendidikan TVET@KPLB untuk mengkaji semula modul atau sijil program sedia ada supaya bersesuaian dan memenuhi kehendak industri agar graduan yang dilahirkan kelak mempunyai kebolehpasaran yang tinggi."

"Kaedah pengajaran dan pembelajarannya kini tidak boleh statik seperti dahulu, seperti hanya membekali ketara secara tradisi di bengkel. TVET perlu memasukkan elemen seperti robotik dan kecerdasan buatan dalam kaedah pengajaran dan pembelajarannya kerana teknologi ini yang mendominasi masa depan," katanya ketika ditemui di kediaman beliau di sini.

Justeru, Mahdzir berkata, KPLB juga ke hadapan dalam memperkenalkan bidang baharu TVET bagi melahirkan bakat diperlukan untuk pasaran kerja pada masa hadapan.

Beliau yang juga bekas menteri pendidikan bagaimanapun tidak menafikan terdapat cabaran yang perlu dihadapi bagi mengubah persepsi masyarakat apabila TVET masih tidak dipandang sebagai pilihan utama untuk melanjutkan pelajaran.

"Kita perlu ubah cara masyarakat kita berfikir, di negara maju seperti Jerman, TVET sudah menjadi pilihan utama untuk anak muda di sana berbanding laluan akademik, kerana itu mereka mampu mengeluarkan ke-

reta yang berkualiti seperti Mercedes, BMW, Volkswagen dan Audi.

"Dalam masa yang sama kita perlu mempromosi atau memperkenalkan ikon dalam bidang TVET. Sebagai contoh seorang jurukimpal dasar laut dari Malaysia dia bekerja di Dubai dengan gaji dibayar dalam USD, jika ditukar dalam RM boleh mencapai hampir RM40,000 sebulan.

Menurut beliau, niat kerjasama yang utuh dan berterusan dengan industri untuk memastikan kehendak semasa industri dipenuhi.

"Apabila terdapat kerjasama dengan pihak industri, sudah tentu tenaga pakar industri dan pengajar akan dapat membimbing pelajar untuk meningkatkan kemahiran sejarai dengan keperluan industri dan perkembangan teknologi semasa."

"Sekiranya kemahiran yang dimiliki oleh pelajar sepadan dengan kemahiran yang dikenakan pihak industri, sudah pasti peluang kerjaya bagi graduan TVET akan lebih terjamin dan kerjaya berpendapatan tinggi dapat direalisasikan," katanya.

Ketika ditanya mengenai harapan beliau terhadap pengajuran Ekspo TVET@KPLB 2022, beliau berkata, ekspo itu diharap dapat menarik minat masyarakat bandar dan luar bandar khususnya pelajar dan belia untuk mendapatkan maklumat yang tepat dan seterusnya menyambung pengajaran dalam bidang TVET di Institusi TVET di bawah KPLB.

"Program TVET@KPLB yang dianjurkan menyasarkan peningkatan pendaftaran pelajar di semua institusi pendidikan TVET@KPLB setiap tahun serta kebolehpasaran graduan TVET melebihi 86.7 peratus pada tahun 2025 sejalan dengan sasaran KPI Nasional yang ditetapkan. Sehingga 31 Mac 2022, jumlah pelatih di institusi TVET@KPLB adalah sebanyak 48,475 pelajar.

"Institusi Pendidikan TVET@KPLB berupaya melahirkan graduan yang berkualiti mengikut kehendak pasaran kerja dan seterusnya menawarkan peluang masa depan yang cerah kepada pelajar dan belia untuk mendapat pekerjaan dalam pelbagai bidang kerja berpendapatan tinggi ataupun menjadi usahawan berjaya," katanya.

“TVET terbukti melahirkan ramai graduan yang mempunyai peluang pekerjaan yang cerah Mahdzir”